


晦菴詩文抄

詩二




漢書門			
三	四	九	九
九	四	六	三
冊	架	函	號

內閣文庫			
三	三	三	號
六	四	四	函
函	九	九	冊
二	五	三	架
架	冊	號	類


內閣文庫			
番號	漢	3493	
冊數	5		(2)
函號	316	5	

列集辛三編

共五







淺草文庫

游蘆峯分韻得盡字

蘆山一何高上上不可盡我行獨忘疲泉石有招引須
 更出蒙密矯首眺無畛已謂極崢嶸仰視猶隱嶙新齋
 小休憩餘力更勉詣東峯切霄漢首夏正淒緊杖策同
 攀躋極目散幽窘萬里俯連環千重瞰孤隼因知平生
 懷未與塵慮泯歸塗采薇蕨晚餉雜蔬筍笑謂同來人
 此願天所允獨往會淹留寒棲甘菌蠶山阿子慕予無
 憂勒回軫

雲谷雜詩十二首

登山

夕陽翳東峯微月下西嶺不辭青鞋穿陟北巖路永巖路永且躋中情何耿耿

值風

山下風吹衣山上風拔木茅茨何足保瀛海慮翻覆未念執鬯人無心還自慙

翫月

風起雲氣昏風定天宇肅遙遙萬里暉炯炯穿我屋良友共徘徊山中詎幽獨

謝客

野人載酒來農談日西夕此意良已勤感歎情何極歸去莫頻來林深山路黑

勞農

四體久不勤筋力坐駑緩何事兩山阿離離豆苗滿多謝植杖翁居然見長矩

講道

高居遠塵雜崇論探杳冥疊疊玄運駛林林羣動爭天道固如此吾生安得寧

懷人

吾黨二三子欲來從我遊
塵機諒擾擾遐諾終悠悠
空山日復晚佇立張夷雅

倦遊

故人千里別約我仍丹丘
云何一解散書到令人愁
此山豈不幽何必賦遠遊

修書

紬書厭塵累執簡投雲關
靈鑰啓玄秘蕭斧鋤幽蕪
書成莫示人留置此山間

宴坐

登山思無窮臨水心未厭
沈痾何當平膏肓今自斲
默坐秋堂空返觀靡餘念

下山

行隨流水聲步出哀壑底
綠樹枝相樛白澗石齒齒
樹石無窮年流水日千里

還家

出去柴門掩歸來蕙草秋
素琴林下吐清芬衣上浮
欲寄山中友日莫悵離憂

宿黃沙以山如翠浪湧分韻賦詩得如字

日中秣吾馬日暮膏吾車崎嶇涉南嶺浩蕩凌八區夜
雨薦峯前朝登碧琳墟蒼茫未歎罷翁忽清景祖去此
二三子我行將焉如崔嵬正丘堦萬里思南圖

立秋日同子澄寺簿及僉判教授二同寮星子令
尹約周君段君同遊二峽過山房登折桂分韻賦
詩得萬字輒成十韻呈諸同遊

抗塵幾何時猿鶴共悲愁豈知朱墨暇乃適山水願茲
晨秋令初休沐謹邦憲佳賓忽四來英僚亦三勸駕言

北郭門謝此旃隼建蔽目山崔嵬縱轡路脩蔓凭欄快
倒峽躋壑困脫輓追攀林樾深懽喜脚力健登高眺遠
浦衆景爭自獻何必仍丹丘徑欲凌九萬

卧龍之遊得秋字賦詩紀事呈同遊諸名勝聊發
一笑

躡石度急澗窮源得靈湫豁舒兩對立噴薄中怒投何
年避人世結屋棲巖陬嘉名信有託故迹誰能求我來
一經行淒其仰前脩鄰翁識此意伐木南山幽爲我立
精舍開軒俯清流多岐諒匪安一壺真良謀解組云未

遂驅車且來遊嘉賓頗蟬聯野藪更獻酬飲罷不知晚
欲去還淹留躋攀已別峯窺臨忽滄洲下集西澗底沈
吟樹相樛玉湍茗飲餘三峽空尊愁懷賢既伊鬱感事
增綢繆前旌向城郭回首千峯秋

分韻得眠字賦醉石一篇呈同遊諸兄

驅車何所適往至秋雲邊企彼澗中石舉觴醉飛泉懷
哉千載入矯首辭世喧淒涼義熙後日醉向此眠仰視
但青冥俯聽驚潺湲起坐三太息涕泗如奔川神馳此
闕陰思屬東海壖丹衷竟莫展素節空復全低徊萬古

情惻愴顏公篇爲君結茅屋歲暮當來還

尋白鹿洞故址愛其幽邃議復興建感歎有作

清冷寒澗水窈窕青山阿昔賢有幽尚眷言此婆娑事
往今幾時高軒絕來過學館空廢址鳴絃息遺歌我來
勸相餘杖策蹇綠蘿謀野欣有獲披圖知匪訛永懷當
年盛莘莘衿佩多博約感明恩溥熙泰和淒涼忽荒
榛俯仰驚顛波發教逮綱紀喟然心靡它伐木循陰岡
結屋依陽坡一朝謝塵濁歸哉碩人邁時已上書乞洞
秋日告病齋居奉懷黃子厚劉平父及山間諸兄

友

出山今幾時忽忽歲再秋江湖豈不求我與終悠悠况
復逢旱魃農畝無餘收赤子亦何辜黃屋勞深憂而我
忝朝寄政荒積愆尤懷病卧空閣惻愴增綢繆東南望
故山上有玄煙浮平生采芝侶寂寞今焉儔朝游雲峯
巔夕宿寒巖幽爲我泛瑤瑟泠然發清謳裂牋寄晨風
問我君何求洪濤揆君柁狹硤摧君輶君還苦不早無
乃非良謀再拜謝故人低徊更包羞桂華幸未馭去矣
從公游

夜坐有感

秋堂夜氣清坐久寒露滴幽獨不自憐茲心竟誰識讀
書久已懶理郡更無術獨有憂世心寒燈共蕭瑟

奉同尤延之提舉廬山雜詠十四篇

白鹿洞書院

昔人讀書地町疇白鹿場世道有升降茲焉更表章矧
今中興年治具一以張絃歌獨不嗣山水無輝光荒榛
適剪除聖謨已注洋亦有皇華使肯來登此堂問俗良
懇惻懷賢增慨慷雅歌有餘韻絕學何能忘

折桂院黃雲觀

城中東北望五老何蒼蒼下有前朝寺一原頗深藏門
前林澗幽屋後雲木荒閑窓亦明潔著此瑞錦張僧瑞
香更能理枯筇步上林北岡仰視天宇闊俯瞰江流長
即黃受書彼何人姓字不足詳竹帛有遺臭桂樹徒芬
李達吉嘗讀書此院
芳去而登第以故得名

棲賢院三峽橋

兩岸蒼壁對直下成斗絕一水從中來湧滴知幾折石
梁據其會迎望遠明滅倏至走長蛟捷來翻素雪聲雄

萬霹靂勢倒千喘嶮足掉不自持竟驚詎堪說老仙有
妙句千古擅竒崛尚想化鶴來乘流弄明月

西澗清淨退菴

凌兢度三峽窈窕復一原絕壁擁蒼翠奔流逝潺湲聞
昔避世入寄此茅三間壯節未云遠高風杳難攀深尋
得遺墟縛屋臨清灣坐睨寒木杪飛泉閱雲關茲游非
昔遊累解身復閑保此清淨退當歌不能諼

萬杉寺

休沐聊命駕駕言何所之行尋慶雲寺想像昭陵時門

前杉徑深屋後杉色奇空山歲年晚鬱鬱凌寒姿當年
雨露恩千載有餘滋匠石不敢睨孤標儼相持更啓石
室藏仰瞻天象垂願以清淨化永為太平基詩有仁祖飛
白青淨字

開先漱玉亭

青哉康山陽雙劍屹對起上有橫飛雲下有瀑布水崩
騰復璀璨佳麗更雄偉勢從三梁外影落明湖裏平生
兩仙句詠嘆深仰止三年落星灣悵望眼空昧今朝隨
杖屨得此弄清泚更誦玉虹篇塵襟諒昭洗

簡寂觀

高士昔遺世築室蒼崖陰朝真石壇峻煉藥古井深結
交五柳翁屢賞無絃琴相携白蓮渚一笑傾夙心晚歲
更市朝故山鎮雲岑柴車竟不返鸞鶴空遺音脩靜晚
為宋明
帝召至建康我來千載餘舊事不可尋四顧但絕壁苦
卒于崇虛館
竹寒蕭慘相傳竹是脩靜手植其
朝即所謂甜苦荀者

歸宗寺

金輪紫霄上寶界鸞溪邊往昔王內史願香有餘煙千
年今一歸景物還依然澗水既蕩潏山花亦清妍不辭
原陽勞樂此賓從賢訪古共紆鬱勞農獨勤拳憐我乖

勝踐裂巖寄真詮逃禪公勿遽且畢區中緣

楞伽院李氏山房詩公譚讀書處有東坡

躡石循急澗穿林度重岡俛入幽谷遠仰見奇峯蒼李
公英妙年讀書此雲房一去上臺閣致身何慨慷蘇公
記藏書文字有耿光餘事亦騷雅戲墨仍風霜兩公不
歸來歲月忽已荒何用建遺烈寒泉薦孤芳

卧龍菴武侯祠

空山龍卧處蒼峭神所鑿下有寒潭幽上有明河落我
來愛佳名小築寄幽壑永念千載入丹心豈今昨英姿

儼繪事凜若九原作寒凜薦芳馨飛泉奉明酌公來識
此意顧步慄不樂抱膝一長吟神交付冥漠

陶公醉石歸去來館

予生千載後尚友千載前每尋高士傳獨嘆淵明賢及
此逢醉石謂言公所眠况復巖壑古縹緲藏風煙仰看
喬木陰俯聽橫飛泉景物自清絕優游可忘年結廬荷
蒼峭舉觴酌潺湲臨風一長歎亂以歸來篇

温湯

連山西南來中斷還崛起千霄幾千仞據地三百里飛

言 四十二
峯上靈秀衆壑下清美遠茲勢力窮猶能出奇偉誰然
舟黃酸爨此玉池水客來爭解帶萬劫付一洗當年謝
康樂絃絕今已矣水碧復流温相思五湖裏

康王谷水箴

循山西比驚峭嶇幾經丘前行荒蹊斷豁見清溪流一
涉臺殿古再涉川原幽紫紆復屢渡乃得寒巖陬飛泉
天上來一落散不收披崖日璀璨噴壑風颼颼追新爨
絕品瀟茗澆窮愁敬酬古陸子何年復來游陸羽第此水天下第一

落星寺

浩浩長江水東逝無停波及此一回薄湖平烟浪多孤
嶼屹中川層臺起周阿長望愛明威夕遊驚蕩磨極目
青冥茫回瞻碧嵯峨不復車馬迹唯聞榜人歌我願辭
世紛茲焉老漁叢會有滄浪子鳴舷夜相過

董役卧龍偶成此詩

登車聞嶺微息駕康山陽康山高不極連峯鬱蒼蒼金
輪西嗟峨五老東昂藏想象仙聖集似聞笙鶴翔林谷
下導迷雲闕杳相望千巖雖競秀二勝終莫量仰瞻銀
河翻俯看交龍驤長吟謫仙句和以玉局章疇昔勞夢

思茲今幸徜徉尚恨忝符竹未慙棲雲房已尋兩峯間
結屋依陽岡上有飛瀑駛下有清沅長循名協心期吊
古增悲涼壯齒之奇節頽年矧昏荒誓將塵土蹤暫寄
雲水鄉封章儻從欲歸哉深滄浪

卧龍之遊錢通守得江字不及賦詩已解維矣熹
用其韻紀事以贈并附卷末

君行安所適衝風汝海江傳聞閩州好未見心已降邀
君康山遊聽此巨壑涼班坐酌溪石幽尋烟雲窅勸君
盪此杯錦帆已稠杠明年儻來東鳴銑建高謹訪我深

澗底晤言絕紛囋城南且細說慰我心恹恹

遊白鹿洞熹得謝字賦呈元範伯起之才三兄并

示諸同遊者

歲月有環周窮臘忽受謝眷眷山水心幸此未云謝招
呼得良友邂逅成夙駕深尋故轍迹喜見新結架求懷
拾遺公藏器此待價橫流詩書澤下及揚李霸炎神撫
輿運制作流大化石室萬卷藏綸言九天下規模未云
遠荒蕪良可詭自非賢邑宰誰復此精舍會當求救賜
畢願老耕稼更與盡心期臨流抗風榭

和林擇之黃雲之白兼簡同游諸兄

登覽日云晏歸車眇重岡天風振余旗夕露沾我裳
子情未厭春山杳茫茫還瞻長江白迥眺飛雲黃當念
塵中友心期邈相望無為跨鴻鵠決起凌青蒼

游天池

三年落星渚北望天池山臨風幾浩嘆欲往無飛翰
朝復何朝陟此青雲端高尋已竒絕俯瞰何其寬西窮
溱溪原東盡溢城闕渺然滄波外淮山碧連環我意殊
未極更思出塵寰何當駕輕鴻八表須臾間視此長江

水滸滴儻西還

暇日侍法曹叔父落星之遊分韻得往字

長江西委輸匯澤東滉漾中川屹孤嶼佛屋寄幽賞我
來此何日秋氣欲蕭爽共載得高偉良辰豈孤往酒酣
清歡發浪湧初月上疊鼓喚歸艫陳迹真俯仰

下元節假行視陂塘因與賓友挈兒甥出郭登山

歸賦二詩呈郡中諸寮友

廬阜東北際岩崑五峯尊中巖穹林繞青天白雲屯郡
閣有佳眺徒倚空朝昏今晨幸休暇發軔北郭門牽蘿

出林端躡屐躋雲根高尋却深宦小憩欣潺湲古殿宿
寒靄新蕩麗朝暎扶藜陟東岡夙昔規曾軒却倚千尋
峭前窺百泉奔長風卷浮埃江湖渺相吞結架雖未諧
雄瓌已難論同來俱勝流晤語仍王孫已踐支許諾不
慙夙尚蒐賦詩紀茲日歲晚期相敦

元範寄佳篇清叟次韻見示用韻奉答

故人別我去一月曠音驛今朝得新詩開卷意已適知
君到里門征騎聊一息行復敞天閭從容正朝幘自今
九霄路不復兩塵隔客與日華東翱翔禁扉北回頭五

峯下寂寞笑孤客不賦歸去來心形謾相役右呈元範
五十行過二双鬢颯秋草平生素心人誰與共茲抱今
年廬山下得子恨不蚤歲月幸同庚詩書復同道惟應
山南北雲母夜堪擣獨生有先期迴崖詎難到丹經不
我誑白髮須一掃看公須眉蒼杖鉞督征討

秘閣張丈簡寂之篇韻高難繼別賦五字以謝來貺

勞農會稽宅息駕丹元鄉丹元不可見翠壁空雲房是
時中春月暄風發新陽白水注幽壑綠樹敷崇岡俯聽
足怡悅仰觀共徜徉班坐得瑤草傾壺出瓊漿長吟遊

仙詩亂以招隱章忽忽林景西躊躇申慨慷坐上江海
客兀傲須眉蒼逸氣邁霄漢英詞吐琳琅思與泉石勝
韻隨笙鶴翔追遊不敢及味歎可能忘

謝張彥輔留別之作

一別屢更歲思君無已時知君亦念我相望兩嗟咨我
病卧田間君行護疆陲隱顯既殊跡會合安可期今年
定何年有此一段奇我來五峯陽君歸九江湄聞君肯
來辱歡喜不自持近君紫霄峯舉觴白鵝池強健初共
欣艱棘旋相悲相顧出色涕薄言首東岐留連十日飲

愴恨八哀詩散懷水石幽遂忘筋力疲雄篇既鼎來逸
韻方窮追云胡遽告別牙薰風披披攬袂不得留酌酒
前致辭願君醕此觴去上白玉墀國論罄忠益廟謨參
設施一請正紀綱再請誅羗夷及時樹勲業慰我空山
飢

熹罷官夜飲山月軒分韻得主字奉別送行諸君
嗟余老不才記憶謝明主昇茲山水郡北通通玄府一
官再溫涼十日九塵土迨茲解章紱絕境方快覩殷勤
故人厚追送崖寺古把酒聽鳴泉相看淚如雨

山北紀行十二章章句

祇役廬山陽矯首廬山陰雲峯不可覲碧澗何由尋昨
朝解印章結友同窺臨盡彼巖壑勝滿茲仁知心
窺臨事君何請從圓通說逶迤山門路悄悄修篁列溪
仍侯家名屋是孱王設何救黍離歌喟焉傷覆轍
行逢石門雨解驂寒澗東朝儕錦繡谷俯仰春冥濛懸
泉忽淙琤雜樹紛青紅屢憩小亭古幽探思無窮
竦身長林端策足層崖表仰瞻空界闊俯歎塵寰小天
池西嶽峯佛手東窈窕杖屨往復來憑軒瞰歸鳥

斯須暮雲合白日無餘暉金波從地湧寶燄穿林飛偈
言自雄誇俗駭無因依安知本地靈發見隨天機
深尋兩林間清波貫華屋蓮社有遺蹤草堂非舊築脩
廊餘故刻好醜雜珉玉亦復記經行深慙後人讀
行軒復東騫祠城當晚遊胡然冠蓋集不盡心期幽夜
厭百谷喧旦失千峯稠出門有遺恨回首空綢繆
山水誠乃竒云誰究終始曇遠亦何人神君豈其鬼東
西妄采獲誣譎共恢詭百世踵謬訛彝倫日頽圯
以茲遊覽富翻令懷抱傷誰哉可告語舉俗皆且狂乾

坤有真心日月垂休光茫茫宇宙內此柄孰主張
北度石塘橋西訪濂溪宅喬木無遺株虛堂唯四壁竦
瞻德容睥睨薦寒流碧幸矣有斯人渾淪再開關
平生勞仰止今日登此堂願以圖象意質之申几傍先
生寂無言賤子涕泗滂神聽儻不遺惠我思無疆
明辰江磯寺尊酒聊對設孰是十日遊遽成千里別英
僚樹嘉政素友厲孤節弩力莫相忘清霄共明月
買船至演平拜建康劉公墓下遂入城假館梅山
堂感涕有作

維舟新曆口步上秣陵阡高丘忽嵯峨宿草迷荒烟拜
起淚再滴哀哉不能言驅車且復東借此虛堂眠念昔
堂中人經營幾何年一旦舍之去千秋不言還露井並
清澌風林更修鮮思公獨不見涕下如奔川感慨西州
門愴恨山陽篇晤嘆日隱樹悲歌月當軒堂堂忠孝心
終古諒弗謏尚與吳門子歸來故山巔

讀子厚步月詩時方聞呂伯恭訃後數日賦此
晚步曲池上西風吹我裳仰觀天宇闊愛此明月光念
我素心人眇焉天一方沒者永乖隔存者為參商飄零

百歲期寂寞幽鬢霜還坐三大息高林鬱蒼蒼

次子厚秋懷韻

秋風何方來為我滌殘暑庭梧亦何與索索終夜雨真
思感物變念此離索苦浩蕩信莫量幽紛那得覩丁年
舍我去憔悴故其所廓落濟時心頽然復安取求懷平
生友夢想見眉宇今晨狂秀句爛若朝霞舉去去同采
芝高軒坐凝佇

讀子厚詩卷用其卒章晨起之韻作詩寄之

晝永倦殘暑宵分喜新涼天雞一振翼爛爛曉月光病

揭感虛徐中庭起翱翔懷哉穀城子物外久不忙掩抑
琴調希激烈歌聲長契闊恨清賞佳期未渠央緘詞託
歸鳥側佇何能忘

酬黃子厚見訪歸途惠詩韻

樞驥倦千里籠鶴思九臯念昔田舍日不知山林高一
朝逢世紛故丘得潛逃平生棲道志茲焉始堅牢故人
穀城翁高情北窻陶亦復喜我歸巾車款林巢申旦更
離閣中情重切切

正月五日欲用斜川故事結客載酒過伯休新居

風雨不果二月五日始克踐約坐間以陶公卒章
二十字分韻喜得中字賦呈諸同遊者

玄景彫暮節青陽變暄風忽尋斜川句感此勝日逢駕
言當出遊一寫浩蕩曾雲物疑異候淒迷久連空今朝
復何朝頓覺芳景融疇曩庶復踐鄰曲歡來同伊雅一
籃與連翩數枝筇綠野生遠思清川照衰容遙瞻西山
足突兀彌軟官庭宇豁清曠林園鬱青葱於焉一道遙
芳樽間鳴桐既爵日樹隱班荆汀草豐纖鱗動微波新
美冠幽叢惆悵景易晏徘徊思無窮願書今日懷遠寄

柴桑翁仰止固窮節愧茲百年中

寄題九日山廓然亭

昨遊九日山散髮巖上石仰看天宇近俯歎塵境窄歸
來今幾時夢想掛蒼壁聞公結茅地恍復記疇昔年隨
流水遊事與浮雲失了知廓然處初不從外得遙憐植
杖翁鶴骨雙眼碧永歎月明中秋風桂花白

伏承子直都督侍郎臨餞遠郊仍邀嚴州郎中及
諸名勝相與燕集分韻賦詩喜得時字輒成鄙句
方歲候云晏故山風雪時胡為在中路復此行遲遲為

有賢主人愛客情依依昨夕西門道終宴不能辭今朝
復何朝祖帳遙相追賓從俱俊賢車馬有光輝啟扉得
華觀俯檻臨清池南州淑氣多蕩節佳景隨雪樹雖改
色青山正含姿開樽酌春醪授簡哦新詩但覺四坐驩
不知寸晷移流雲暗寒空蒼煙染人衣相看暮色至我
去公當歸別袖不忍分扣扣陳苦詞願公崇令德慰我
渴與飢

臘月九日晚發懷安公父教授壽翁知丞載酒為
別而元禮景嵩子亦擇之廷老考叔舜民諸賢相

與同舟乘便風頃刻數十里江空月明飲酒樂甚
因以星垂平野闊月湧大江流分韻喜得星字醉
中別去乃得數語略紀一時之勝云

桂帆望煙渚整棹別津亭風水已云便我行安得停離
樽枉群賢濁醪愧先傾談笑不知遠但覺江流清獵獵
甘蔗洲茫茫白沙汀斯須復回首祇有遙山青野色一
以暝川光晶孤明中流漾華月極浦涵疎星酒酣客散
歸茫然獨宵征起視天宇闊此身一浮萍難追五湖遊
未願三閭醒且詠招隱作孤舟轉鈴舫

送彥集之官瀏陽

急景彫暮節高風振空林病夫掩關臥長謠擁孤衾聞
君千里行四牡方駸駸重此別離感青天欲愁陰君行
豈不勞民瘼亦已深催科處處急椎鑿年年侵君行寬
彼叱足以慰我心薦書會滿篋社酒還同斟所念家同
產與君如瑟琴茲焉不並駕宰木寒蕭摻尚喜吾諸甥
男恭女知欽明朝復相憶悵望楚山岑

石馬斜川之集分韻賦詩得燈字

改歲風日好出門欣得朋復招里中彥及此雲間僧行

行涉清波斯亭一來登徙倚綠樹陰摩娑蒼石稜遙瞻
原野春仰視天宇澄一水既綠鬱群山正峻嶒時禽悅
新陽潛魚躍輕冰却念去年日俯仰愁予膺長吟斜川
詩日落寒烟凝暝色變晴景清樽照華燈頽頽感川徂
稚齒歡年增酒盡不能起朱欄各深凭

游石馬以駕言出遊分韻賦詩得出字

抱病守窮廬閉戶常罕出坐見春氣深清陰晝蒙密今
朝積雨過淑景回煦律不有塵外蹤何由散愁寂行行
整巾履散漫委書帙野逕自縈紆前峯但齒岑娑娑茂

樹下左右寒流汨亂石翳蒼根於焉憩腰膝追遊固才
彥逢遇亦奇逸招邀愧深情晤言求茲日君有尊中物
我進沂上瑟日夕不得留餘歡未云畢

比與鄰曲諸賢脩舉歲事携壺石馬追補斜川之
遊而公濟適至飲罷首出和陶之句以紀其勝輒
亦用韻酬答兼呈諸同遊者請共賦之

皇天分四序代謝無時休昔人抱孤念感此成清遊迥
眺曾城臯朗詠斜川流歲月今幾許長波沒輕鷗春言
撫佳辰荒尋靡遺立且復置往事及茲命高儔縱策聊

並歡飛觥起相酬未知千載下亦記此日不商歌有遺
音林樂無餘憂但得長如此吾生復何求

乙卯八月晦日浮翠亭次叔通韻

弱植有孤念獨往窮名山那知歲月逝白首塵埃間今
朝定向朝憑高睨清灣群賢亦矣止共此一日閑晤言
不知疲林昏鳥飛還勝踐可無紀重來諒非艱留語巖
上石毋使門常關

宿石岬館

春江日東注我行溯其波揚帆指西澨兩岸青山多青

山自逶迤飛石空嗟我綠樹生其間幽鳥鳴相和舉蓬
騁遐眺擊楫成幽歌獨語無與晤茲懷竟如何

題沈公雅卜居圖

狂者仲長子高情世無儔一朝謝塵躅卜築娛清幽
屋八九間下有良田疇後簷果垂實前庭樹相摻勝日
賓友來琴觴共舒憂言論叢幽妙理亂窮端由至今一
卷書凜然照千秋沈侯經濟業夙尚本林丘談笑出幻
境寤言躡斯遊仰睇白石崗俯濯青瑤流曠然宇宙外
邈矣將焉求

次韻判院文雪意之作

端居歲復窮閉戶守冲澹風陰原野悲月黑庭除暗漸
溼靜先知崩奔誰與探坐想青瑤林寒先生素艷

喜晴

衝飈動高柳渌水澹微波日照秋空淨雨餘寒草多放
懷遺簿領發興託煙蘿忽念故園日東阡時一過

書事

重門掩晝靜寂無入境喧嚴程事云已端居秋向殘超
挫捐外慮幽默與誰言即此自為樂何用脫籠樊

奉同黃子厚賦白芙蓉呈劉彥集平父

湛湛曲池水曉含風露清
田田綠羅蓋粲粲白玉英
澹然絕世姿不與穠艷并
俯鑒冰雪影詎懷兒女情
山中徒淹留堂下空自成
獨有忘機客相看兩無營

題君子亭

清晨坐武觀涼風動高旌
挾弓一笑起屈此四座英
破的亦已屢穿揚詎云精
軍吏不敢賀高鳥時相驚
解鞬脫決遂緩帶飄華纓
俯仰新亭幽曠然塵慮清
內正外自直三揖奚所爭
端居得深玩君子非虛名

行視武夷精舍作

神山九折溪公沂此中半
水深波浪闊浮綠春渙渙
上有蒼石屏百仞聳雄觀
嶄巖露垠堦突兀倚漢綫
麓下縈迴深林久叢灌胡
然閱千載逮此開一旦我
乘新村船輟棹青草岸
揜莽喜誅鉏面勢窮考按
居然一環堵妙處豈輪奐
左右矗竒峯躊躇極佳玩
是時芳節闌紅綠紛有爛
好鳥時一鳴王孫遠相喚
暫遊意已愜獨往身猶絆
珍重舍瑟人重來足幽伴

伏承示及毛公平仲墓銘且索挽詩熹不及識毛

公而愛重其文舊矣義不可辭顧已不及其虞殯
姑以數語題於墓銘後轉而致之其家幸甚

毛君神仙骨誤落世網中髻鬣出奇語若然驚乃翁弱
齡翰墨場不言已收功亭亭絕世姿皎皎冰雪容顧步
一長嘯笙鶴翔秋空調高聽者稀老去竟不逢一朝謝
塵濁冷然跨剛風回頭叫安期舉手邀韓終千秋有遺
想一往無留蹤平生故人心灑涕銘幽官斯人不可見
斯文鬼神通

伏讀尤美軒詩卷謹賦一篇寄呈伯時季路二兄

我聞洞巖幽結友事臨眺浮言妨勝踐悵望空求嘯歸
來眩奇語更欲窮窅窳却尋兩翁意宴坐得觀照鳴泉
俯淙琤穹石仰蒼峭共與前創古三歎遺墨妙神遊恍
不隔仁宅忻有要回首鹿門期寒雲生迷嶠

垂澗藤

寒泉下碧澗古木垂蒼藤蔭此萬里流閑花自層層何
入賞幽致白髮巖中僧

臨流石

偃蹇西澗濱楞然似枯木下有幽泉鳴上有蒼苔綠來

往定何人山空此遺躅

懸崖水

秋天林薄踈翠壁呈清曉迢迢寫寒泉下有深潭悄時
飄桂葉來尋源路殊杳

穿林徑

屈曲上雲端似向崖陰斷行聞山鳥鳴下與泉聲亂去
去不知疲幽林自成玩

次季通韻贈范康侯

朝霜逼凋梅夕露忽團菊百年風雨過直笑不宜哭口

川失有防心兵幾回觸年來身老大甘此跨下辱求謝
五鼎烹聊寄一瓢足雖慙龍蟠泥肯羨鶯出谷適意超
混泯故情遺結束俯仰天壤間靜勝惟我獨蒼蒼有心
栢落落無瑕玉年紹尚無聞頭顱豈須卜

感懷

經濟夙所尚隱淪非素期幾年霜露感白髮忽已垂鑿
井北山陟耕田南澗湄乾坤極浩蕩歲晚將何之
齋居感興二十首有序

余讀陳子昂感遇詩愛其詞旨幽邃音節豪

宕非當世詞人所及如丹砂空青金膏水碧
雖近之世用而實物外難得自然之奇寶欲
效其體作十數稿顧以思致平凡筆力萎弱
竟不能就然亦恨其不精於理而自託於僞
佛之間以為高也齋居無事偶書所見得二
十篇雖不能探索微眇追迹前言然皆切於
日用之實故言亦近而易知既以自警且以
貽諸同志云

崑崙大無外旁薄下深廣陰陽無停機寒暑互來往皇

犧古神聖妙契一俯仰不待窺馬圖人文已宣朗渾然

一理貫昭晰非象罔珍重無極翁為我重指掌

吾觀陰陽化升降八絃中前瞻既無始後際那有終至

理諒斯存萬世與今同誰言混沌死幻語驚盲聾

人心妙不測出入乘氣機凝冰亦焦火淵淪復天飛至

人秉元化動靜體無違珠藏澤自媚玉韞山含暉神光

燭九垓玄思徹萬微塵編今寥落歎息將安歸

靜觀靈臺妙萬化此從出云胡自蕪穢反受衆形役厚

味紛朵頤妍姿坐傾國崩奔不自悟馳騫靡終畢君看

穆天子萬里窮轍迹不有祈招詩徐方御宸極
涇舟膠楚澤周綱已陵夷况復王風降故宮黍離離玄
聖作春秋哀傷實在茲祥麟一以踣反袂空漣洏漂淪
又百年僭侯荷爵珪王章久已喪何復嗟歎為馬公述
孔業託始有餘悲拳拳信忠厚無乃迷先幾
東京失其御刑臣弄天綱西園植薺穢五族沉忠良青
青千里草乘時起陸梁當塗轉凶悖炎精遂無光桓桓
左將軍仗鉞西南疆伏龍一奮躍鳳雛亦飛翔祀漢配
彼天出師驚四方天意竟莫回玉圖不偏昌晉史自帝

魏後賢蓋更張世無魯連子千載徒悲傷

晉陽啓唐祚王明紹巢封垂統已如此繼體宜皆風塵
聚瀆天倫牝晨司禍凶乾綱一以墜天樞遂崇崇滯毒
穢宸極虐焰燔蒼穹向非狄張徒誰辦取日功云何歐
陽子秉筆迷至公唐經亂周紀凡例孰此容侃侃范太
史受說伊川翁春秋二三策萬古開群蒙

朱光徧炎宇微陰眇重淵寒威閉九野陽德昭窮泉文
明昧謹獨昏迷有開先幾微諒難忽善端本綿綿掩身
事齋戒及此防未然閉關息商旅絕彼柔道牽

微月墮西嶺爛然衆星光明河斜未落斗柄低復昂感
此南北極樞軸遙相當太一有常居仰瞻獨煌煌中天
照四國三辰環侍旁人心要如此寂感無遠方
放勛始欽明南面亦恭已大哉精一傳萬世立人紀猗
歎歎日躋穆穆歌敬止戒嫠光武烈待旦起問禮恭惟
千載心秋月照寒水魯叟何常師刪述存聖軌
吾聞包犧氏爰初闢乾坤乾行配天德坤布協地文仰
觀玄渾周一息萬里奔俯察方儀靜噴然千古存悟彼
立象意契此八德門勤行當不息敬守思彌敦

大易圖象隱詩書簡

編訛禮樂矧交喪春秋魚魯多瑤

琴空寶匣絃絕將如何興言理餘韻龍門有遺歌


顏生躬四勿曾子曰三省中庸首謹獨衣錦思尚綱偉
哉鄒孟氏雄辨極馳騁操存一言要為爾挈裘領丹青
著明法今古垂煥炳何事千載餘無人踐斯境

元亨播羣品利貞固靈根非誠諒無有五性實斯存世
人逞私見鑿智道彌昏豈若林居子幽探萬化原

飄飄學仙侶遺世在雲山盜啓元命秘竊當生死關金
鼎蟠龍虎三年養神丹刀圭一入口白日生羽翰我欲

往從之脫疑諒非難但恐逆天道偷生詎能安
西方論緣業卑卑喻羣愚流傳世代久梯接凌空虛顧
眇指心性名言超有無捷徑一以開靡然世爭趨號空
不踐實蹟被榛棘途誰哉繼三聖為我焚其書
聖人司教化橫序育群材因心有明訓善端得深培天
叙既昭陳人文亦褰開云何百代下學絕教養華群居
競葩藻爭先冠倫魁淳風反淪喪擾擾胡為哉
童蒙貴養正孫弟乃其方鷄鳴咸盥櫛問訊謹暄涼奉
水勤播灑擁篲周室堂進趨極虔恭退息常端莊劬書

劇者爰見惡逾探湯庸言戒麤誕時行必安詳聖途雖
云遠發軔且勿忙十五志于學及時起高翔
哀哉牛山木斤斧日相尋豈無萌蘖生牛羊復來侵恭
惟皇上帝降此仁義心物欲互攻奪孤根孰能任反躬
良其背肅容正冠襟保養方自此何年秀穹林
玄天幽且默仲尼欲無言動植各生遂德容自清溫彼
哉夸毗子咕囁徒啾喧但逞言辭好豈知神監昏曰余
昧前訓坐此枝葉繁發憤永刊落奇功收一原



--	--	--	--	--	--	--	--	--	--

嘉永三年



12/4

